



SALVTATION

ANGELIQUE,

OV ADVIS.

Dediée,

A la Royne Regente.

Par les François.

*V*das trahit IESVS son Maistre
D'un, Aue RABY, le baisant,
Les Iesuites voulans commettre
Un mesme crime vont disant
Aue Maria.

Prends garde à toy sage Princesse,
leur bel accueil n'est qu'hameçon,
Et leur voix est toute traitresse
Renestüë d'une façon

Gratia plena.

Que si prudemment tu d'esploye,
ton bras pour parer à leurs coups,
les bons François remplis de ioye
en te benissant dirons tous

Dominus tecum.

*Chasse d'aupres de ta personne,
Et de celle de nostre Roy,
Les ennemis de la Couronne,
Si tu veux qu'on die de toy
Benedicta tu.*

*Le serpent finement s'adresse
A Eue pour la decenoir,
De mesme la voix piperesse
Des Iesuites se fait voir
In mulieribus.*

*C'est pourquoy quand vn de leur troupe
A fait quelque bon trait matois,
Pour lequel ils ont vent en poupe
D'eux est loüé à haute voix
Et benedictus.*

*Si nostre Roy donc par ces Peres
Est gouverné en liberté,
Sçache que l'air de ces viperes
Rendra peu à peu infecté
Fructus ventristui.*

*Mais pour aßeurer nostre Prince,
Et tenir ses suiets en paix,
Bannis les de ceste Prouince,
Et qu'on ne les voye iamais
Amen des François.*

R E S P O N S E
DES IESVITES,
acheuans l'Aue.

Et par eux dedié
A LA ROYNE.

O *Grand' Roynen n'entends la plainte*
Des FRANÇOIS: mais escoute nous,
Comme tu veux que ceste Sainte
T'oye quand tu dis à genoux
Sancta Maria.

Ne permets pas que l'on public
Nos crimes dont l'on s'apperçoit,
Fay, fay plutost qu'on les oublie
Si desire qu'avec toy soit
Mater Dei.

Si l'on veut punir nostre offence,
Las! ne le permets nullement,
Ains sers nous de seure deffence,
Et enuers ce grand Parlement

Ora pro nobis peccatoribus.

MARIE donne tousiours place
A nos emmiellez propos,

Nous auons besoin de ta grace
Et d'estre assiste à propos
Nunc & in hora.

Autrement nostre perte est seure,
Mais avec ta protection
Nous empescherons à toute heure
L'arrest & l'exécution
Mortis nostræ.

Et puis pour toute recompence,
Sçache que nous sçaurons mesler,
Sy bien les cartes dans la France
Que ne les pourras démesler.
Amen des Iesuites.

AVX BONS FRANCOIS

LE Pater, l'Aué, la Croyance,
Composez durant ces rumeurs,
Donnent aux François cognoissance
Des Iesuites & de leurs mœurs.

Le Pater, l'Aué, la Creance,
Par les Iesuites racontés
Font assez paroistre à la France
Qu'ils sont plus malins que lettrés.

F I N.